

集部

欽定四庫全書等部

唐宋八大家文鈔卷三十二

詳校官左中允臣瑭五珠 侍讀臣孫球覆勘 總校官檢討且何思釣 校對官庶吉正潘庭筠 **腾録監生日王增聞** 

炎と四車全書 伏見契丹所遣汎使事為御容而來中外之議皆謂 「 世 せな 行うである。 唐宋八大家文鈔 明

金万口を人 前歲既已許之於理不可中止失於不早践言致彼非 事况四者俱失豈可不思契丹與中國通盟久矣而鄉 量事勢四者皆得然後可以不疑苟一有未然尚恐敗 來宗真特於信好自表慇懃別有家書繼以畫像聖朝 易遽言大凡為國謀事者以先明信義重曲直酌人情 時遣使及朝夕以來傳聞與異或云大臣共議欲遂拒 而不與若然則臣恐蒙除之端自此而始禍忠之起未 其來意許以報之而乃遷延至今遂欲食言而中報

通 常之禮厚報以驕之慇懃之來則不報以沮之沮之彼 是則彼以推誠結我我以不信待之失信傷義甚非中 許其父不許其子厚薄之際此亦人情之難處也臣竊 必 怒不報彼少恥懷恥畜怒何所不為此人之常情也 見契丹來書初無寒溫候問之言直以践言孤約為說 國待强鄰之術而又其曲在我使彼易以為辭自南北 其心已騙况此畫像之來特表慇懃之意是則於平 '和以來信問往復之際每於報答常從優厚假借既

队之四軍全書 !

唐宋八大家文鈔

15とアノニ 其意在於必得若此時被沮勢必更來事既再三豈能 直之議以起我而結禍夫察彼事勢必不能中止量我 堅執若待其失於遜順已成點除然後與之則重為中 事勢又未能必沮之臣故曰四者俱失也臣又聞敵使 而中國邊備未完廟謀未勝未可生事而欲執我曲彼 國之辱又使外域謂中國難以思意交惟可以勢力脅 因之引惹别有它求則為後患何可涯哉今契丹雖 境之日地震星殒變異非常先事深防猶恐不及失 弱

載本是武人不識事體便為祥瑞以媚朝廷臣謂前世 繋 國家利害臣不敢不言今取進止 遣常使時與之則於事體稍便伏乞速下兩府商議上 臣近聞澧州進柿木成文有太平之道四字其知州馮 計招禍豈可自為臣願聖慈出於獨斷勿沮其善意無 失我信言臣今欲乞回諭敵中告以如約直候今冬因 論澧州瑞木七不宣示外廷劄子 亦是持大體處

欽定四車全書 题

店宋八大家文鈔

患 兵 處無事而又內則百姓困弊盜賊縱横昨京西陝西出 散然却於別處結集今張海雖死而達州軍賊已却 未 平之患在前北敵 驕悖藏伏之禍在後 一患未滅 何以存濟以臣視之乃是四海騷然萬物失所實未見 八九千人捕數百之盗不能一時剪減只是僅能潰 已的加以西則瀘戎南則湖嶺凡與四夷連接無 稱太平者須是四海晏然萬物得所方今西羌叛逆 又殺使臣其勢不小與州又奏八九十人州縣皇皇 卷三十三 百

後頓殊豈非星象麗天異不虚出凡於戒懼常合修省 象宣有總出大兵之象又出太平之道是一歲之內前 太平之象臣間天道貴信示人不欺臣不敢遠引他事 使木文不偽實是天生則亦有深意益其文止曰太平 金 木相掩近在端門考於星占皆是天下大兵將起之 而草木萬類變化無常不可信憑便生懈怠臣又思若 只以今年內事驗之昨夏秋之間太白經天界月不減 道者其意可推也夫自古帝王致太平皆自有道得 自於八大於之的

一銀定匹庫全書 其得也願陛下憂勤萬務舉賢納善常如近日不生逸 來便謂必無事見西賊通使便謂可罷兵指望太平漸 豫則二三歲問漸期修理若以前賊張海等小東便謂 其道則太平失其道則危亂臣視方今但見其失未見 草者今又進瑞木竊慮四方相沒爭造妖妄其所進瑞 生安逸則此端木乃誤事之妖木耳臣見今年曾進芝 **木伏乞更不宣示臣寮仍乞速詔天下州軍告以與兵** 城不足憂以近京得雪便謂天下大豐熟見北敵未

ション・ ノム・一郎 無此文字終須貽患朝廷契丹通好僅四十年無有鐵 事深可憂臣以謂天下之患不在西戎而在北敵縱使 臣與得北界文字來問西夏約和了與未了為實如此 臣伏見朝廷方遣使與西賊議通和之約近日竊聞邊 界年四海困弊方當責已憂勞之際凡有奇禽異獸草 木之類並不得進獻所以彰示聖德感勵臣民取進止 論河北守備事宜割子 **先事制勝之言** 唐衣へた民文砂

金万四百全書 無事而來尚猶如此若更因西事攬以為功別有過求 須動作尚難由就少至交兵至於選將練師既難卒 知我可欺故添以金繪未滿其志更邀名分抑使必從 芥之除而報前姦計妄有請求竊以敵國貪林性情臣 已萌不和則詰我違言既和則論功責報不出年成恐 今若果有文字來督通和之事則臣謂北敵 在計其迹 測遇强則伏見弱便欺見我無謀動皆屈就謂我為弱 何塞請此天下之人無愚與智共為朝廷寒心者也

禦戎制勝當在機先臣竊怪在朝之臣尚偷安靜自河 災七四軍全等 一 最為得也况今邊防處置百事乖方惟有擇人最為首 莫若精選材臣付與邊郡使其各圖禦備窓務修完此 謂兩意雖非尚牽盟誓邊防處置未敢張皇以臣思之 擇十餘人不為難得各以一州付之使其各得便宜如 冠 兵壓境然後計無所出空務張皇而已哉今國家必 以北絕無處置因循弛慢誰復挂心豈可待北使在廷 今非邊要害州軍不過十有餘處於文武臣家中選 唐宋八大家文鈔

金ガセルノニ 基凡庸輕巧非將臣之材而在定州其餘州郡多匪其 害張存昔在延州以不了事罷去今乃委以鎮府王克 者悉行換易若秋風漸勁敵 繫有端陛下試思邊鄙之 禦敵桿城訓兵待戰者留之其餘中常之材不堪邊任 朝廷經度以兹預備尚可支吾至如鎮定一路最為要 理家事完城壘訓兵戎習山川蓄糧食凡百自辨不煩 ,誰堪力戰朝廷之將誰可出師當臣初授諫職之時 臣欲乞陛下特詔兩府大臣取見在邊郡守臣可以 表三十三

欽定四車全書 言 及就職以來已數十日而政令之出漸循售與惟言 忘社稷之深耶無使西北之交侵駿發天威督勵臣下 見朝廷進退大臣陛下銳意求治必謂羣臣自此震懾 事之臣拾遺補闕者免强施行其一二至如講大利害 百事自此修舉西非二事最為大者自當處置不待人 仍と詢問兩府大臣西鄙和與不和能保契丹別無辭 大紀綱外制四夷內舒百姓凡廟堂惟恆之謀未有 事施行於外者臣忝司諫諍豈敢不言伏望陛下不 唐宋八大家文鈔

難從矣勿謂界年西賊為患習以為常若此事 天下摇矣臣所言者社稷之大計也願陛下留意而行 說否苟有所說能以廟謨奇第沮止之否茍無謀以止 取進止 則練兵選将備邊待冠賊至而後圖能不敗事否臣 陛下勿謂去歲六符之來可以賄解今而有請則事 論歐州事宜約子 的確之見 一動 則

とこうこ 一麽三日減寒卒四日委土豪如此則經久之謀庶近 邊之策謹具畫一 臣 昨奉聖古至河東與明鎬商量麟州事緣臣未到問 其利害措置之說列為四議一日辨衆說二日較 粗減兵費已具連署奏聞此外臣別有短見合盡條 相度利害與明鎬等再行商議乞那減兵馬人數 録鎬等所奏今臣更切同共從長相度臣遂親至河 面與施昌言等先有奏議尋再準極密院割子 シュエニ 如後 善れへた私文的 存 可

髙 峻乃是天設之险可守而不可攻其至黄河與府州 多定四母全書 各幾百餘里若徙之河次不過移得五七十里之近而 棄易守難攻之天險以此而言移廢二說未見其可至 廢為塞名或欲移近河次或欲抽兵馬以減省饋運或 不廢茍能減兵而省費則何害為州其城壁堅完地形 欲添城堡以招輯番漢然廢為塞而不能減兵則不若 抽減兵馬誠是邊議之一 日辨衆說者臣竊詳前後臣察起請其說有四或欲 表三十三 端然兵兄不獨麟州大

盡 と こうこ 於朝廷之急而營緝如其家事之專方可收其遠效非 委付邊臣許其久任漸推恩信不限歲年使得失不敷 蕃漢之民最為實邊之本然非朝廷一力可自為必須 未 得其要 乃在五寨岩只减麟州而不减五寨與不減同凡招輯 年一替之吏所能為也臣謂減兵添堡之說近之而 河東二十州軍以瞻二州五寨為河外數百邊产而 日較存廢者今河外之兵除分休外尚及二萬大抵 苦れしただしり

多 定 本全書 望則泛舟踐冰終歲常憂冤至公河内郡盡為邊戍以 巢穴今贼在數百里外公河尚費於防秋若使夾岸相 暇是城可以人據我城堡耕收我土田夾河對岸為其 移廢則五寨勢亦難存兀爾府州便為孤壘而自守不 未 敢據吾地是尚能斥賊於二三百里外若麟州一議 之策而我有殘民效怨之勞以此而思則似可廢然未 知可存之利今二州五寨雖云空守無人之境然賊亦 竭數百萬民財賊雖不來吾已自困使賊得不戰疲人 大き 十三十二十五日

草 列 三日減寒卒者臣勘會慶歷三年一年用度麟州用糧 巡綽伏路其餘坐無所為蓋初建五寨之時本不如此 '萬餘石草二十一萬餘來五寨用糧一十四萬餘石 此五寨除分兵歇泊外尚有七千五百人别用二千 而慮則不可不存然須得存之之術 百人負糧又有并好等十州軍百姓輸納外及商於 四十萬餘來其费倍於麟州於一百二十五里之地 中往來其冗長勞費不可勝言逐寨不過三五十騎

久三日日 在時

唐宋八大家文鈔

金分四個人量 寧留一千人置一都巡檢其鎮川中埃百勝三寨各留 軍 寨兵各有定數建寧置一千五百人其餘四寨各止三 縁此堡最在近東隔河便是保德軍屯兵可以就保德 五百其餘寨兵所減者屯於清寨堡以一都巡檢領之 五百之卒巡綽有餘或此小賊馬則建寧之兵可以禦 百至五百今之冗數並是後來增添臣謂今事宜稍緩 請糧則不煩輸運過河供饋若平日路人宿食諸寨 **比建寒之初然且約舊數尚不至冗費臣請只於建** 

捍若賊數稍多則清寨之兵不失應接蓋都不去百里 内非是減兵但那移就食而已如此則河外省費民

可舒

堅險與兵二千其守足矣况所謂土豪者乃其材勇獨 河外若欲兩全而不失莫若擇一土豪委之自守麟州 四 日委土豪者今議麟州者存之則因河東棄之則失 一方威名既著敵所畏服又能語敵情偽凡於戰守

州則其黨自視州如家繫已休戚

炎 主四車全事 不至乖謀若委以

出

唐宋八大家文鈔

之守 賴其勇亦喜附之則蕃漢之民可使漸自招集是外能 其戰自勇其守自堅又其既是土人與其風俗情接 已 三百家其材勇則素已知名况其官序自可知州 非 於命吏而往凡事你給於朝廷利害百倍也以用土豪 贼 年間視其後效尚能善守則可世任之使長為捍邊 ドメ 王吉不可吉見在建寧寨蕃漢依吉而耕於寨側者 U J 而戰守內可解民以實邊省費減兵無所不便比 1111 卷三十三

臣 則舒民減費之事容臣續具條列取進止 右臣所陳乃是大計伏望聖慈特賜裁擇若可以施行 被果穴奪其糧儲挫賊之鋒增我士氣政之勇畧固 風聞楊畋近與蠻賊關敵殺得七八十人首級仍聞 論湖南蠻賊可招不可殺割子 之後便行拍撫故予曰其善於鵰勒而莫不善 予嘗按學右大略南夷醜亂只須一 于大征歐公意亦同此 勒殺元免

とこうこ

2121

きおへんたたり

金丘四母全書 二事尤合深思一曰不待成功便行厚賞二日謂其可 於平城聞此小提便形虚喜不能鎮靜外示輕脫其間 亦可嘉然朝廷謀處事機宜思久遠竊恐上下之心急 聚己二千餘人於二千人中殺七八十人是二十分之 外其餘隨大小成火者不可勝數令政所擊只一 殺平人驚懼盡起為盗除鄧和尚李花脚等數十頭項 湖南捕賊者殺一人頭賞錢十千官軍利賞見平人盡 殺更不肯招尚或如此則計之大失而事之深害也今

病暑之兵當彼慣習水土之賊小有敗如則彼勢復堅 盡降旬日之間湖南定矣若失此時漸向夏熱以我所 不惟為害湖南少慮自此貼朝廷憂患今於未了之間 傳布捷聲其餘諸處結集者分行招誘藉此聲勢必可 難招誘今若因畋小勝示以恩威正是天與招服之機 不 可失也若令败自作意度招取大頭項者因此小勝 聞盡殺須是招降昨線郃飾等失信於黄捉鬼遂恐更 其餘時暫為散必須復集臣見自古戀蛋為害者不

**育為盗之徒在於人情豈恐盡殺惟能全活人命多者** 賊數雖多然首惡與本賊絕少其餘盡是枉遭殺戮逼 勝更無招輯之心上下失謀以成大患其楊畋等伏乞 銀足四庫全書 留庶合事體取進止 則其功更大仍乞明說此意諭與楊畋其賞典乞少運 且降初書獎諭授與事宜侯彼招安便行厚賞今湖南 而 便行厚賞則諸處巡檢捕賊官等見收獲賞爭殺平 **畋等自恃因戰得功堅執不招之議朝廷亦恃畋小** 

欽定四庫全書 、 臣竊見朝廷前歲以延州蕃官胡繼諤因為邊臣所疑 遇繼諤保全其家族豈有既任其子又疑其父繼諤求 廷宜廣推恩信撫御蕃夷既欲守清盡死於邊疆當厚 陳乞移一京西地凉之處臣謂方今西鄙用兵之際朝 聞 近為不服亳州水土死亡却家族身又疾病曾有奏 入内地見任亳州都监以子守清悉領父之諸部 論乞放選蕃官胡繼諤劉子 深透人情國體之言 唐宋八大家文鈔 風

恩威致使離叛者多皆願附賊在於繼諤處置特乖 家亡况被初心又無顯過在繼諤之身已有幽囚冤枉 讎必與邊陲別生患害其餘部族亦以離心國家自用 遷內地其實異鄉雖曰居官乃是囚擊致其失所身病 乞因其有請召至京師與雪前疑厚加禮遇放還本 已來凡有計謀未聞勝算尤於拍撫蕃夷之術常 嘆於守清之分又失為馭豪傑之方萬一 而不歸守清父子之心豈得無恨反視中國刀為世 繼諤疾病

欽定四庫全書! 臣風聞魚周詢余靖孫扑等奉使北敵皆有事宜為北 守清計其必無棄父之理若彼自不欲其歸則他日可 之遇必有所施老朝廷猶以為疑即乞先以此意詔問 族 示以推誠守清得父子復完少思盡節繼諤感國家 無後患取進止 敵中詰問元吳通和之意將來必須因此別與朝廷生 論乞與元昊約不攻哨厮囉劉子 外蕃不和則中國自尊 唐宋八大家文鈔

上台 事 詳懇切亦至然天下之士無一人助臣言朝廷之臣無 劄子十餘次論列皆言不和則害少和則害多利害甚 患又聞敵人已欲議移界至漸示相侵禍亂之萌其端 可見臣自去年春始蒙聖恩權在諫列便值朝廷與西 初議和好臣當時首建不可通和之議前後具奏狀 何遲雖悔無及當臣建議之際衆人方欲急和以臣 和有不便之狀余靖自北至始知敵利急和之謀 採臣說今和議垂就禍胎已成而韓琦自西來方

賊所利幸其因此自絕不遣人來朝廷深戒前非慎自 不執前議早肯回心則於後悔之中尚有可為之理昨 ラスス こうこ 持重因而能議不落賊計則轉禍為福後策可為若賊 志愈驕貪心未滿復遣人使更有須求則假此為名亦 許賊之物數已太多然尚有禁青鹽還侵地等事非 拒絕今通和之事為中國之患大為二敵之利深萬 入誠難力奪衆議今韓琦余時親見二虜事宜中外 【亦漸知通和為患臣之前說稍似可採但願大臣 唐木ししたしか

賊肯和之意知我害彼利之謀尤須多方以事拒絕臣 時 多定四庫全書 計 和 **欲作謀欵我併力以吞唃厮囉摩旃瞎旃之類諸族地** 國蕃臣今若講和則不得攻此數族且攻此數族是賊 則當賜以詔書言哨厮囉等皆受朝廷官爵父子為 力盛然後東向以攻中國耳令若未有他計拒其來 西城無故而請和者不止與非敵通謀共困中國無 取舍便擊安危陛下宜認執議之臣定果次之計認 西贼貪利深而不惜侵地更無他求急來就和則此 本ラナナ

人子写言

臣 明若不極言罪當誅戮伏望省覽取進止 置和後患大不可支吾臣前後奏章論列己備此乃天 伏都昨者西賊來議通和朝廷許物數目不少內茶 色元計五萬斤緣中國茶法大斤小斤不同當初擬 安危大計聖心日夜所憂臣為言事之官見利害甚 以區區惟願未和者蓋臣愚慮知不和患輕易為處 心所貪聞我此言必難聽約用此為說亦可解和臣 論與西賊大斤茶劄子

三千里方至西界當今民力因之陛下不恥屈志就和 一致定四庫全書 ! 時契丹大舉至澶州只用三十萬物三十年後乘國家 知為國計者何以處之三十萬斤之茶自南方水陸二 議之時朝廷謀慮不審不曾明有指定斤數竊處西賊 用兵之際兩國交爭方添及五十萬今元昊一隅之敵 通和之後須要大斤者五萬斤大斤是三十萬小斤之 如此則金帛二十萬茶三十萬乃是五十萬物真宗 口便與五十萬物臣請累言為國家大患一兩事不 卷三十三 唐宋八大 家文剑

賊 次 之四車全書 四 亦要十数萬大斤中國大貨利止於茶鹽而已今西賊 添何以應副不過云茶不比銀絹本是廳物則彼必須 元昊為小邦岩見元昊得物之數與彼同則須更要增 其用已足然則兩權場捨茶之外須至別將好物博易 私 本為休民息力若歲般輦不絕只此一物可使中國公 成三十萬斤北敵更要三二十萬中國宣得不困此 中無用之物其大患二也契丹常與中國為敵國指 俱困此大患一也計元昊境土人民歲得三十萬茶 唐宋八大家文鈔

事 尚可罷和臣乞陛下特召兩府大臣共議保得久遠 供給四夷中國不困則雖大斤不惜若其為患如臣所 方有悔和之色然許物已多不可追改今天幸有此 國家利害惟恐許物不多及和議將成契丹語洩兩府 其大患三也昨與西賊議和之初大臣急欲事就不顧 說不至妄言即乞早議定計取進止 言西邊事宜第二劄子 覽歐公前所上兵事當時君臣合擊節而指揮者

臣近曾上言諒祚為邊惠朝廷宜早圖樂備及乞遣一 **顧猶逡巡若此宋之政體特弱** 

素定之謀每遇邊奏急來則上下惶恐倉卒指揮既多 重臣親與邊將議定攻守大計等事至今多日未蒙降 不中事機所以落城姦便敗軍殺將可為痛心今者該 出施行臣竊見處歷中元昊作過時朝廷輕敵張冤無 以萬騎冠秦渭兩路焚燒數百里問掃湯俱盡而兩

唐宋八大家文鈔

宜 罪 背德如此陛下未能發兵誅討但遣使者齎詔書賜之 事甚多皆陛下聖慮所宜及者臣謂陛下宜因別時御 便 辱矣當陛下臨御之初遭此在童威沮國辱此臣等之 殿召當職之臣使按圖拾畫各陳所見陛下可以不 攻何處宜守何兵宜屯县地何将可付其兵如此等 形勢有利有不利士卒勇怯孰可用孰不可用何處 也臣謂陛下宜赫然發憤以邊事切責大臣至於山 拒而不納使者羞處免首懷詔而回則大國不勝其

密院至今多日亦未曾擬議臣以非才陛下任之政府 文字進呈此邊事百端中一端爾蓋琦亦患事未講求 因循又如慶歷之初矣近者韓琦曾将慶歷中議山界 所進呈又皆常程公事亦未當聚首合謀講定大計外 下席而盡在目前然後制以神機唇畧責將相以成 功而陛下以萬機之繁既未及此兩府之臣如臣等日 此文字為題目以奉合衆人之論爾自進呈後尋送 四路邊臣自賊馬過後亦不聞別有擘畫臣恐上下

次との年から

唐宋八大家文鈔

金岁四五人 進止 有臣前來所上奏狀欲望聖慈降付中書密院與韓 臣 山界文字一處商量岩其言果不足取棄之未晚今取 在其位又棄其言而不問使臣尸禄厚顏何以自處所 疑臣亦昨因目疾怨求解職曲蒙聖恩未許其去既使 便是國之謀臣若其謀慮淺近所言狂妄自可點去不 竊聞元具近於延州界上修築城壘强占侵地欲先 論西賊占延州侵地割子 表三十三

たいりられたけ 賊於侵地立起堡寨則延州四面更無桿蔽便為孤壘 我将相無人便欲輕視中國一面邀求縣遺一面侵占 邊将不肯力爭此事所緊利害甚大臣料贼意見朝廷 州 邊疆不惟縣賊之心難從實亦為國之害不細今若縱 累 年用兵有敗無勝 得地然後議和故楊守素未來而占地之謀先發又聞 而贼盡據要害之地他時有事延州不可保守若失延 則 關中遂為賊有以此而言則所侵之地不可不爭 唐宋八大家文钞 旦計無所出厚以金帛買和知 Ī

受無涯之患陛下為社稷計豈不深思大臣為社稷 議和之功以希進用耳故不肯擊逐羌人力爭侵地盖 國家屈就通和只與邊臣為一時進身之利而使社稷 急和而不顧利害者不過邊臣外憚於禦賊而內欲邀 但患國家許物已多難為中悔若得别因他事猶可絕 何况此侵地是中國合爭之事豈可不爭臣謂今欲 况 西城議和事連北敵今人無愚智皆知和為不便 人無識以苟日前禁進之利不思國家久遠之害是

金云四百百重

**設定四庫全書** 宣 賊先侵之地不令築城堡塞若縁此一事得絕和議 以感聖聰伏望聖慈不納浮議取進止 人皆知不可許亦慮小人無識急於就和者尚陳鹽利 稷之福也臣仍慮西賊來人尚有青鹽之就此事人 不極慮伏望聖慈遣一使往延州令麗籍力爭取昊 不欲急聽其和為說如論乞詔陝西將官 之偽為臣數以要和而歐陽公之在諫垣獨以 予按當時朝廷祖於用兵之因故亟亟乘元昊 唐宋八天家文動 Í

請以五問話大臣九也論與西賊茶不當用大 諭 斤十也論西賊占延地界十一也歐公豈不知 四 諭 西城通和稍寬朝廷西顧之憂而獨拳拳以 可令朝臣管伴三也論元昊不可聽其稱吾祖 也論乞廷議通和元昊事狀五也論西城議 乞與元昊約不攻角厮囉八也論西賊議和 利害狀六也論乞不遣張子與使元昊又也 元昊來人請不賜御筵二也論元昊來人不 次定四車在馬一門 與執政皆不之聽甚且韓范華亦以在兵間久 為名至於嘗請五路出師以代為守之說歐公 則天下之勢愈不可支此其所以數絮絮于請 之言可謂忠謀遠覽之至者也惜也當時天子 伸立國之威而惟務厚幣重賄以為尚安之計 和之間而其執言往往以縁此一事得絕和議 扭於契丹而南復扭於西夏不務選將練兵以 與通和為計者蓋深見夫國體失之太弱北既 唐宋八天家文舒 Ĭ

在失口人 台灣臣 唇宋八大家文鈔卷三十三 夫 西夏敗亡之後宋平為金遠所因其亦以此也 矣故亦如健鳥之垂翅而思解機務以歸己而

とこり日 ちか 廬陵文鈔六 臣聞士不忘身不為忠言不逆耳不為諫故臣不避羣 欽定 四庫全書 狀 唐宋八大家文鈔卷三十四 切齒之禍敢干一人難犯之顔惟賴聖明幸加省察 論杜衍范仲淹等罷政事狀 唐永八大永文钞 明 撰

為 善人少過難為一二求般惟有指以為朋則可一時盡 金与四月石書 自 逐 臣伏見杜衍韓琦范仲淹富弱等皆是陛下素所委任 至如大臣已被知遇而蒙信任則難以他事動搖惟 善人而聚善人尚在則未為小人之利欲盡去之 朋黨欲動搖大臣則必須誣以專權其故何也夫去 古小人讒害忠賢其說不遠欲廣陷良善則不過指 聞其可罷之罪臣雖供職在外事不盡知然臣竊見 臣一旦相繼罷熟天下之士皆素知其可用之賢而 则

而質直 慕當時姦臣誣作朋黨猶難辨明自近日陛下擢比數 昔年仲淹初以忠言謹論聞於中外天下賢士爭相 清慎而謹守規矩仲淹則恢廓自信而不疑琦則純 離間必有以朋黨專權之說上惑聖聰者臣請試辨之 有專權是上之所惡故須此說方可傾之臣料衍等四 人各無大過而一時盡逐弱與仲淹委任尤深而忽遭 並在两府察其臨事可見其不為朋黨也蓋行為 爾則明敏而果銳四人為性既各不同雖母歸 信

欽定四庫全書 一 居 於盡出而其所見各異故於議事多不相從至如杜衍 如尹洙亦號仲淹之黨及爭水洛城事韓琦則是尹洙 河東請急修邊備富弼料以九事力言契丹以不來至 下素已知者此四人者可謂天下至公之賢也平日閒 欲深罪滕宗該仲淹則力爭而寬之仲淹謂契丹必攻 非劉滬仲海則是劉滬而非尹珠此數事尤彰著陸 則相稱美之不暇為國議事則公言廷諍而不私以 而言臣見行等真得漢史所謂忠臣有不和之節而 卷三十四

屋牙八五家文釗

欽定四庫全書 受命然猶未敢別有所為陛下見其皆未行事乃特開 避讓大繁不見其好權貪位也及陛下堅不許辭方敢 之迹而但見其善避權也權者得名位則可行故好權 六陛下亦五六召之富獨三命學士兩命樞容副使每 之臣必貪位自陛下召琦與仲淹於陝西琦等讓至五 得專也然臣竊思仲淹等自入兩府以來不見其專權 命皆再三懸讓讓者愈切陛下用之愈堅臣但見其 八讒為朋黨可謂誣矣臣聞有國之權誠非臣下之 府宋八大家文鈔

宗 指定姓名專責弱等條列大事而行之獨等運回又近 事便行臣方怪弼等蒙陛下如此堅意委任督責丁寧 張故其所陳志在遠大而多若迁緩但欲漸而行之以 久冀皆有効弼性雖銳然亦不敢自出意見但多舉祖 天章召而賜坐授以紙筆使其條事然衆人避讓不敢 下筆獨等亦不敢獨有所述因此又煩聖慈特出手詔 故事請陛下擇而行之自古君臣相得一言道合遇 月方敢略係數事仲淹深練世事以知凡百難猛更

钦定四庫全書 頭 修國威復振臣見弼等用心本欲尊陛下威權以禦 墨遠盟而動其書解侮慢至有貴國祖宗之言陛下情 各自請行力思雪恥沿山傍海不憚勤勞欲使武備再 弼等見中國界年侵凌之患感陛下不次進用之恩故 趴心 近年不振故元具叛逆一方而勞困及於天下非敵乘 不誣哉至如兩路宣撫聖朝常遣大臣况自中國之威 猶遲緩自疑作事不果然小人巧諧已曰專權者豈 雖深但以邊防無備未可與爭屈意買和莫大之辱 唐宋八大家文鈔

慈 有 北 不輕矣惟願陛下拒絕羣誇委任不疑使盡其所為猶 國之福也今此數人一旦能去而使奉邪相質於內四 夷未見其侵權而作過也伏惟陛下春哲聰明有知人 數人縣加耀用夫正士在朝羣形所忌謀臣不用敵 神補方今西北二敵 交爭未已正是天與陛下經營 聖臣下能否洞見不遗故於千官百辟之中特選得 相賀於外此臣所為陛下惜之也伏惟陛下聖徳仁 保全忠善退去之際思禮各優今仲淹四路之任亦

受聖恩而致身兩制方思君寵至深未知報劾之所今 羣 那爭進巍巧正士繼去朝廷乃臣忘身報國之秋豈 之時如弼與琦豈可置之問處伏望陛下早辨讒巧特 可緘言而避罪敢竭愚瞽惟陛下擇之 右臣竊見前年宋庠等出外之時京師先有無名子詩 圖任則不勝幸甚臣自前歲召入諫院十月之内七 論禁止無名子傷毀近臣狀 亦是大體所係 ぎれへ大家之り <u>Z</u>.

銀定四庫全書 陛下視驗聰明外邊事無小大無不知者竊恐此詩流 誇之言上感天聽合先論列以杜姦讒況自兵興累年 實三司之職其任非輕近自姚仲孫罷去之後朝廷 傳漸廣須達聖聰臣忝為陛下耳目之官不欲小人浮 中傷三司使王堯臣者復作無名子詩一篇略聞其 兩句臣自聞此詩日夕疑駭深思事理不可不言伏 以 首傳於中外尋而库罷政事近又風聞外有小人 以災旱民財困竭國帑空虚天下安危縣於財用虚

換易足見其不避嫌怨不狗人情竭力救時以身當事 陛下委信責成之日堯臣多方展効之時臣備見從前 名。竊慮在朝之臣有名位與克臣相類者嫉其任用故 亦恐忠義之士自兹解體臣思作詩之人雖不知其姓 今若下容讒問上不主張則不惟材智之臣無由展劾 積年蠹弊貧虚窘乏之三司付與免臣仰其辦事乃是 八率多顧惜禄位寧可敗事於國不肯當怨於身如 吾永八大永文沙

多定四庫全書 若不止之則今後陛下無以使人忠臣無由事主讒言 方能集事未容展効已被誇言臣近日已聞浮議紛然 務騰讒口欲或君聽欲沮好人不早絕之恐終敗事況 云堯臣更易官吏專權侵政令又造此詩語搖惑羣情 今三司蠹弊已深四方匱乏已極堯臣必須大有更張 然皆賀聖徳君子既蒙進用小人自恐道消故共喧然 罷去吕夷簡夏竦之後進|用韓琦范仲淹以來天下欣 欲 中傷只知爭進於一時不思沮國之大計佚自陛下 巻三十の

欽定四庫全書 其所來重行朝典所貴禁止讒巧保全善人謹具狀奏 言語誣構除私者一切禁之及有轉相傳誦則必推究 聞伙候敕吉 患朝廷何所不至伏望特降詔書戒勵臣下敢有造作 右臣伏見朝廷近改茶法本欲救其弊失而為國誤計 图 極自古所患若一改其漸則扇惑羣小動摇大臣貽 論茶法奏狀 詳確 卷三十四 唐宋八大家文 鈔 ۲,

肯言小人畏法懼罪而不敢言今行之踰年公私不便 既難回不能遠改而士大夫能知其事者但騰口於道 為害既多而一二大臣以前者行之太果令之太峻勢 行之今下之日猶恐天下有以為非者遂直武好言之 者不能深思遠慮究其本末惟知圖利而不圖其害方 其不便者十盖八九然君子知時方跟言而意殆不 指為立異之人峻設刑名禁其議論事既施行而 大臣銀於改作之時樂其合意倉卒輕信遂次而

欽定四庫全書 四 議已定猶逐差官數人分出諸路訪求利害然則一 亦已東矣古不虚語於今見馬臣亦聞方改法之時商 壅而潰傷人必多今壅民之口已踰年矣民之被害者 從前容納補益尤多今一旦下今改事先為峻法禁絕 於問里而無由得開於天聽陛下聰明仁聖開廣言路 路而未敢顯言於朝廷幽遠之民日被其患者徒怨嗟 人言中外聞之莫不嗟駭語曰防民之口甚於防川 臣不惟初無害民之意實亦未有自信之心但所 唐宋八大家文鈔

道商旅得議於市而士得傳言於朝正為此也臣竊聞 詳 議者謂茶之新法既行而民無私販之 在 功賞傳開所至州縣不容吏民有所陳述直云朝廷意 必行但來要一 知但外論既喧聞聽漸熟古之為國者庶人得語於 何遲患莫大於遂非過莫深乎不改臣於茶法本不 而已益初以輕信於人施行太果今若明見其害救 人既見朝廷必欲更改不敢沮議又志在希合以求 審狀爾果如所傳則誤事者在此數 罪歲省刑人 へ甚

代至治猶分四民以相利養今乃斷絕商旅此其為害 商不使過侵國利與為借侈而已至於通流貨財雖三 多此一 既用小商所販至少大商絕不通行前世為法以抑豪 民舊納茶稅今變租錢使民破産亡家怨嗟愁苦不可 您或舉族而逃或自經而死此其為害一也自新法 也自新法之行稅茶路分猶有舊茶之稅絕而新茶 稅少年歲之間信於稅盡新稅不登則頓虧國用此 利也然而為害者五馬江南荆湖兩浙數路之 唐衣八大衣足砂

多好四年全書 能多販又不服遠行故近茶之處頓食貴茶遠茶之方 其為害三也往時官茶容民人雜故茶多而賤徧行天 之法民人米於州縣以鈔算茶於京師三司為於諸場 向去更無於食此其為害四也近年河北軍糧用見錢 下今民自買賣須要真茶真茶不多其價遂貴小商不 日下未妨竊聞自明年以後舊茶當盡無可算請則河 鈔算請今場務盡廢然猶有舊茶可算所以河北和 務中擇近上場分特留八處專應副河北入米之人飜

民之一 くこうこ 師 議之臣不護前失深思今害點其遂非之心無襲弭該 利不足以補五害今雖欲減放租錢以救其弊此特寬 祖宗之舊制 述除去前令許人獻說亟加詳定精求其當庶幾不 **成歲輦錢於河北和羅理必不能此其為害五也** 論史館日歷狀 羅實要見錢不惟客旅得錢變轉不動兼亦自京 端爾然未盡公私之利害也伏望聖慈特詔主 与れへしにしか

多定四庫全書 故自前世有國者莫不以史職為重伏見國朝之史以 於事關大體者皆沒而不書此實史官之罪而臣之責 百事之廢置可以垂勸戒示後世者皆得直書而不隱 士當升權者乃命修起居注如此不為不重矣然近 臣伏以史者國家之典法也自君臣善惡功過與其 相監修學士修撰又以兩府之臣撰時政記選三館 以來員具而職廢其所撰述簡略遗漏百不存一至 **今國家亦合採而酌行之** ノナギラを 次 主四車全書 辭見之類至於起居注亦然與諸司供報公文無異修 又不可得也加以日歷時政記起居注例皆承前積滯 今撰述既成必録本進呈則事有諱避史官雖欲書而 之事史官雖欲書而不得書也自古人君皆不自閱史 撰官只據此銓次繫以月日謂之日歷而已是以朝廷 有所宣諭臣下奏議事關得失者皆不記錄惟書除目 見聞故也今時政記雖是兩府臣寮修篡然聖君言動 )然其弊在於修撰之官惟據諸司供報而不敢書所 唐宋八大家文鈔

莫存至於事在目今可以詳於見聞者又以追修積 時使聖朝典法遂成廢墜矣臣竊聞趙元異自初借叛 至復稱臣始終一宗事節皆不曾書亦聞修撰官甚欲 '述以修纂後時追求莫得故也其於他事又可知馬 今欲乞特的修時政記起居注之臣並以德音宣諭 因故暴録者常務追修累年前事而歲月既遠遺失 下奏對之語書之其修撰官不得依前只據諸司供 暇及之若不革其弊則前後相因史官永無舉職之 e J 卷三十四 致定四庫全書 M 置史之本意也至於其他大事並許史院據所聞見書 者坐其罪如昨來麟州守將及并州龐籍緣白草平事 大臣用情朝廷賞罰不當者亦得以書為警戒此國家 之所以使聖朝賞罰之典可以勸善懲惡昭示後世若 近 如狄青等破儂智髙文彦博等破王則之類其貶甚職 日孫沔所坐之類事有文據及迹狀明白者皆備書 編次陳目辭見並須考驗事實其除其官者以其功 如聞見未詳者直牒諸處會問及臣察公議異同朝 唐宋八大家文鈔

所得錄為草卷標題月分於史院躬親入櫃封鎖候諸 滞許修撰官自至中書樞察院催請其諸司供報拖延 積滞者不住追修外截自今後並令次月供報如稍遲 刮 廷裁置處分並書之已上事節並令修撰官逐時旋據 及史院有所會問諸處不畫時報應致妨修篡者其當 者奏行責罰其時政記起居注日歷等除今日以前 史院點檢修撰官紀錄事述內有不動其事隳官失 供報齊足修為日歷仍乞每至歲終命監修宰相親

起居注並乞更不進本所貴少修史職上存聖朝典法 或欲但舉舊制而修廢墜或欲特創新學而立科條其 者衆矣或欲立三舍以養生徒或欲復五經而置博士 右臣等伏見近日言事之臣為陛下言建學取士之法 行手分並許史院牒開封府勾追嚴斷其日歷時政記 乃臣之職事不敢不言謹具狀奏聞伏候動旨 議學狀 議論有深識當與朱子議貢舉等文多看

**欽定四庫全書** 難行者何哉益以古今之體不同而施設之方皆異也 言則甚備考於事則難行夫建學校以養賢論材德而 者遂欲創新學立三舍因以辨士之能否而命之以官其 言雖殊其意則一陛下慎重其事下其議於屋臣而議 與設教者遲速異宜也夫立時日以趨事考其功過而 始也則教以經藝文辭其終也則取以材識德行聽其 古之建學取士之制非如今之法也蓋古之所謂為政 取士此皆有國之本務而帝王之極致也而臣等謂之 店宋八天家文釗 隣里聞于鄉黨然後詢于衆庶又定於長老之可信者 長上信朋友而臨財庶處衆讓其修於身行於家達于 禮樂之容講乎仁義之訓敦乎孝悌之行以養父兄事 之後選莫不入學自成童而學至年四十而仕其習乎 有塾黨有庠遂有序國有學自天子諸侯之子下至國 深收其效者遲則推其功也遠故常緩而不迫古者家 勸善與化尚賢勵俗為事其被於人者漸則入於人也 督以賞罰者為政之法 也故政可速成若夫設教則以

察以隣里鄉黨而後其人可知然則積徳界善如此勤 常壽也古乃以四十而仕蓋用其半生為學考行又廣 欽定四庫全書 後辨其論隨其材而官之夫生七八十歲而死者人之 施設之方如此也方今之制以貢舉取人往者四歲 不容於其間而風俗不陷于媮薄也古之建學取士其 而久求賢審官如此慎而有次第然後矯偽干利之士 又取其甚秀者為俊士久之又取其甚秀者為進士然 而薦之始謂之秀士久之又取其甚秀者為選士久之 **医三十四** 唐宋八大家文鈔 飲定四庫全書 ! 幕干禄之計非如古人自成童至於四十就學於其庠 本於舒遲而今之取人患於急迫此施設不同之大 序而隣里鄉黨得以聚察徐考其行實也蓋古之養士 來學於京師者類皆去其鄉里遠其父母妻子而為旦 人修徳行反以利誘人為矯偽此其不可一也若遲取 也臣請詳言方今之弊既以文學取士又欲以德行官 詔貢舉而議者患於太遲更趣之為間歲而應舉之士 人且速取之歌則真偽之情未辨是朝廷本欲以學勸 唐宋八大家文到

學之人皆四方之游士裔其一 考其行實也不過取於同舍一時之毀譽而決於學官 古人在家在學自少至長親戚朋友隣里鄉黨聚察徐 分朋黨告東漢之俗尚名節而黨人之禍及天下其始 於處士之横議而相些也此其不可三也夫人之材 人之品藻爾然則同學之人蹈利爭進愛憎之論必 敷待其泉察徐考而漸進則文辭之士先已中於甲 而德行之人尚未登於內舍此其不可二也且今入 一身而來爲合羣處非如

欽定四庫全書 頭 外方專以文學貢士而京師獨以徳行取人則實行素 識之譽前日慶歷之學其弊是也此其不可四也今若 行若不因臨事而見則守常循理無異衆人茍欲異衆 考其德行若不用四方之士止取京師之士則又示 履著於鄉曲而守道丘園之士皆反見遺此其不可五 也近者朝廷患四方之士寓京師者多而不知其士行 '嚴其法使各歸於鄉里今又反使來聚於京師云欲 **少為迁僻奇怪以取徳行之名而萬談虛論以求材** 唐宋八大家文鈔

卷三十四

博士可也特創新學雖不若即舊而修廢然未有甚害 糧多陳經籍選士之良者以通經有道之士為之師而 急功也臣謂宜於今而可行者立為三舍可也復五經 舉察其有過無行者點去之則在學之人皆善士也然 不迫所以勸善與化養賢勵俗在於遲久而不求近效 創之亦可也教學之意在乎敦本而修其實事給以糇 其意達其理而酌時之宜爾大抵古者教學之意緩而 以不廣此其不可六也夫儒者所謂能通古今者在知

裁擇 等伏見論學者四人其說各異而朝廷又下臣等俾之 詳定是以盡衆人之見而採其長者爾故臣等敢陳其 其賢善優劣而時取其尤出類者在異之則士知修身 翰薄之風歸厚矣此所謂實事之可行於今者也臣 行非為一時之利而可伸於終身則矯偽之行不作 取以貢舉之法待其居官為吏已接於人事可以考 有以助衆議之一非敢好為異論也伏望聖慈特賜 ) 百束八大家足够 ŧ

一 欽定匹庫全書 凿 後元具偕叛用兵一方當國家有西顧之憂思得材謀 右臣等伏見故起居舍人直龍圖閣尹珠文學議論為 在兵間比一時之人最為宣力而羣邪醜正誣構百端 而能不畏權臣力排衆黨以論范仲淹事遂坐貶點其 臣以濟多事而決自初出師至於元昊納契始終常 世所稱忠義剛正有古人之節初蒙朝廷擢在館閣 乞與尹構一官狀 正議即古人錄孫权敖之裔而員新行歌者

歲學然無依實可嗟惻伏見將來給享大禮在近羣臣 等忝列侍從娛無獻納茍有所見不敢不言謹具狀奏 皆得奏陰子孫伏望聖慈錄洙遗忠憫珠不幸特賜其 聞伏候敕吉 並在 西京家道屢空衣食不給珠止一 賜清雪俾復官資足以感動羣心勘勵忠義今洙孤幼 卒陷皋辜浓竄以死嚮蒙陛下仁聖恩憐哀其冤枉持 · ここ):: 官庶霑寸禄以免饑寒則天地之仁幽顯蒙徳臣 1 41 唐长八大於之沙 男構年方十 + 餘

欽定匹庫全書 舉丁實臣狀 丁元珍之為智高所敗一節歐公所最憐故其 寒 三十

例 因遭儂智高事停官叙理監當方智高攻刼領南州縣 右臣竊見太常丞湖州監酒務丁實臣前任知端州 以素無備禦官吏各至犇逃無間當時獨實臣曾捉 斎 採如此觀王荆公誌銘尤可涕

H

得智高探事人便行斬法及曾關敵朝廷以其如此故

人皆奪兩官獨實臣只奪一官以此見其比衆人情

欽定四車全書 與不候監當滿任奉復官資就移一親民差遣如後犯 理之輕臣伏見實臣履行清純頗有官業惟海賊處至 已臟臣甘當同罪謹具奏聞伏候較古 屈致敗出於不幸今者伏遇給享恩赦欲望聖慈特 再論許懷德狀 子亦如此 往往發憤勸主上振肅紀綱以維持之蘇氏父 宋人於國家體統處多失之因循寬勉故歐公 唐宋八大家文對 九

官在列宣揚制語布告天下而将臣偃蹇不肯受命稽 恩羣臣偏及中外此聖徳之至深厚也而臣下輒敢有 可 所 臣不知其可也今者陛下親祀宗廟不敢獨受其福推 紦 臣竊以謂治天下在明號令正朝廷在修紀網號令所 恕乎方給享始畢恩典推行命出之日宰相押班百 輕重以謂例思泛及視以為輕而慢之原其情理其 網弘而不整又不以賞罰臨之而欲正朝廷治天下 紀綱所振由人主有賞罰之柄也若號令出而不從 巻三十 飲定四車全書 " 始武臣驕慢亦自此而始號令不行於下紀綱遂壞于 朝 上亦自此而始夫古人所謂見于未前者智之明也若 若又不正其罪罰而公為縱鬼則恐朝廷失刑自此而 停制書四十餘日有司無所申舉恬然不以為怪是陛 廷者蓋由從前不惜事體因循寬处有以馴致也今 有强臣悍將難制之患而握兵之帥輛敢如此不畏 號令不能行於朝廷而紀綱弛壞於武士凡士之知 體者皆為陛下惜也臣謂方今國家全盛天下無虞 唐宋八大家文鈔 Ŧ

陳大概盖以方今賞罰之行只據簿書法令以從事而 愚瞽伏乞聖慈裁擇而行之 罕思治體況如懷德在法非輕于事體又重故臣復聲 成後患者深可戒也臣前日為許懷德事曾有奏論略 事有朝而能杜其漸者又其次也若見其漸而與之浸 唐宋八大家文 鈔卷三十四

廬陵文鈔七 欽定四庫全書 狀 唐宋八大家文鈔卷三十五 論修河第一狀 此等奏疏利害最深切文字最圓暢西漢而下 不多見者 まこし ことこり 明 茅坤 採

一欽定四庫全書 比年以來與役動衆勞民費財不精謀慮於厥初輕信 河於故道已下三司候今秋與役見令京東計度物料 執政之臣不慎計慮遽謀修塞科配一千八百萬科艺 臣不敢透引他事上煩聖聰只如往年河決商胡是時 利害之偏說舉事之始既己倉惶羣議一摇尋復悔罷 於其始而審然後必行計其所利者多乃能無悔伏見 右臣竊見朝廷近因臣察建議欲塞商胡開橫壠回大 臣伏以國家與大役動大衆以先順天時量人力謀 卷三十五

尼牙八十年文金

不順天時臣知其有大不可者五蓋自去秋以及今春 修虚費民財為國效怨舉事輕脫為害若斯雖既往之 半天下苦旱而京東尤甚河北次之國家常務安静賑 倍往年當此天災歲旱之時民国國貧之際不量人力 失難追而可鑒之蹤未遠今者又聞復有修河之役聚 盈於道途或物已輸官或人方在路未及與役處已能 三十萬人之衆開一千餘里之長河計其所用物力數

騷動六路一百有餘州官吏催驅急若星火民底愁苦

力所不任此其必不可者二也臣伏見往年河決滑 役者別路差夫則遠處難為赴役就河便近則比兩路 餘所存無幾瘡痍未斂物力未完今又遭此旱歲京東 自去冬無雨雪麥不生苗以及暮春粟未布種不惟目 年人户流亡十失八九數年以來稍稍歸復然死亡之 邱之猶恐儀民起而為盗何况於此兩路聚大衆與大 此其必不可者一也河北自恩州用兵之後繼以凶 乏食魚亦向去無望而欲於此兩路興三十萬人之 卷三十五

欽定四庫全書

唐乐八大家文到

方波且合商胡塞大決之洪流此自是一大役也整横 故道可回猶宜重察天時人力之難為何況商胡未必 於災旱貧虛之際此其必不可者三也就今商胡可塞 有 力之時與一大役尚須數年今併三大役倉卒與為 壠 開久廢之故道此又一大役也自横壠至海一千餘 曾議修塞當時公私事力未如今日貧虚然猶收聚物 誘率民財數年之間方能與役況今國用方乏民力 埽岸久已廢壞頓須修緝此又一大役也往年公私

飲之四草全書

唐宋八大家文鈔

タクセんべき 學士張奎計度功料極大近者再行檢計減得功料 塞而難鑿安流已久而難回昨聞朝廷曾遣故樞容直 流幹以人力而回注此大禹之所不能此其以不可者 得洪範五行之書知水趨下之性乃因水之流疏決就 四 可塞故道未必可回者哉臣聞鯀障洪水九年無功禹 也横雅淫塞已二十年商胡決流又亦數歲故道已 因而疏決爾今欲逆水之性障而塞之奪洪河之正 而水患乃息然則以大禹之神功不能障塞其流但

代 桑拆屋無復生計流止盗賊之患不可不虞欲望聖 變異最大之方臣恐地動山摇災禍自此而始方今京 宜加意防懼今乃欲於凶旱之年聚三十萬之大衆於 東赤地千里饑饉之民正苦天災又聞河役將動往往 僅乎十年天地警戒必不虚發臣謂變異所起之方尤 大地贵安静動而有聲巨嵎山推海水摇蕩如此不止 者五也臣伏見國家累歲災證甚多其於京東變異尤 ,功料少則所開淺狹淺狹則水勢難回此其必不可

**收定四車公書** 

唐宋八大家文鈔

莫知敦是以臣愚見皆謂不然言故道者未詳利害之 有发电压 論蓋由買目朝欲復故道李仲昌請開六塔互執一 臣伏見學士院集兩省臺諫官議修河事未有一定之 實庸愚本無遠見得於外論不敢不言謹具狀奏聞 審詳利害縱令河道可復乞候豐年餘力漸次與為臣 慈特降徳音速罷其事當此凶歲務安人心徐詔有司 論修河第二狀 指言利害明切 1: 1:16 卷三十五 說

者但見河北水患而欲還之京東然不思天禧以來河 告危急此則減水之利虚妄可知開六塔者又云可以 未詳利害之原也若言六塔之利者則不攻而自破矣 水屢決之因所以未知故道有不可復之勢此臣故謂 原述六塔者近乎欺罔之終何以言之今謂故道可復 流無歸已為演樣德博之患若全回大河以入六塔則 且開六塔既云減得大河水勢然今恩冀之患何緣尚 回大河使復横壠故道見今六塔只是分減之水下

シー・コー・ ノ・トラ

唐宋八大家文鈔

無不淤之理淤凝之勢常先下流下流淤髙水行不快 於滑州天臺埽決尋而修塞水復故道未幾又於滑州 天禧中河出京東水行於今所謂故道者水既淤溢乃 河源只以今所欲復之故道言天禧以來屢決之因初 其害如何此臣故謂近乎欺罔之繆也臣聞河本泥沙 乃自上流低下處決此其常勢也然避萬就下水之本 故河流已棄之道自是難復臣不敢遠引書史廣述 鐵狗廟決今所謂龍門埽者也其後數年又議修塞

到近四月全書

くこりこ 河 上 自下流先於是時臣為河北轉運使海口已然一百 所 流然而故道之水然以壅於故又於横壠大決是則決 水今復改道已而又於王楚埽決所決差小與故道 流商胡口決然則京東横壠两河故道皆是下流於 由故道深萬水不能行故也及橫壠既決水流就下 非不能力塞故道非不能力復不久終必決於上流 餘里其後遊金赤三河相次又淤下流既梗乃又於 以十餘年間河未為患至慶歷三四年橫壠之水又 1.4.1 唐衣八大衣之砂 • 四

上 斗 驗甚明則六塔所開故道之不可復不待言而易知臣 大抵東去皆髙而銅城已上乃特髙耳其東比銅城已 亦何縁而大決也然則兩河故道既皆不可為則 水患何為而可去臣聞智者之於事有不能必則較 下則當日水流宜決銅城已上何緣而頓淤橫壠之 則似低比商胡已上則實高也若云銅城已東地勢 議者計度京東故道功料止云銅城已上地高不知 河水已棄之高地京東故道屢復屢決理不可復其 卷三十五 河

多好四样全書

等減得全少猶用三十萬人然欲以五十步之狹容大 初決之時議欲修塞計用一千八百萬稍芝科配六 河之水此可笑也又欲增一夫所開三尺之方倍為六 之物数至於開鑿故道張奎元計功料極大後來李參 尺且濶厚三尺而長六尺已是一倍之功在於人力已 "利害之輕重擇其害少者而為之猶勝害多而利少 百有餘州軍今欲塞者乃往年之商胡必須用往年 况有害而無利此三者可較而擇也臣見往年商胡 目れて大家文沙

欽定四庫全書 實大抵塞商胡開故道凡二大役皆困國而勞人所舉 如 豈人力之所勝是則前功浩大而難與後功雖小而 而暫塞暫復以舒目前之患而終於上流必決如龍門 為勞苦若云六尺之方以開方法算之乃八倍之功此 塔者於大河有減水之名而無減水之實今下流所散 可塞故道不可彼此所謂有害而無利者也就使幸 此而欲開難復屢决已驗之故道使其虚費而商胡 壠之比重以因國勞人此所謂 利少而害多也若六 寒三十五

直有害而無利耳是智者之不為也今若因水所注增 之州不勝其患而又故道淤溢上流必有他決之虞此 免為數州之思勞歲用之夫則此所謂害少者乃智者 與其虚費天下之財虚舉大衆之役而不能成功終不 河所歷數州之地誠為患矣隄防歲用之夫誠為勞矣 治堤防疏其不流浚以入海則可無決溢散漫之虞今 之所擇也大抵今河之勢質三決之虞復故道上流必 為患已多若全回大河以注之則濱棣徳博河北所 唐宋八大家文抄

銀定四庫全書 裁擇之謹具狀奏聞伏候物旨 淡之不然下流梗溢則終虞上決為患無涯臣非知水 聖君博訪之求此大事也伏乞下臣之議廣謀於衆而 者但以今事目可驗者而較之耳言狂計愚不足以備 決開六塔上流亦決今河下流若不沒使入海則上流 亦決臣請選知水利之臣就其下流求其入海之路而 論修河第三狀 較前二狀更勝亦與前二狀相發明

勢難於復止也夫以執政大臣銳意主其事而又有不 可復止之勢固非一人口舌可回此所以雖知不便而 役遽又罷之已而終為言利者所勝今又復修然則其 其利害者何哉蓋其說有三一曰畏大臣二曰畏小人 右臣伏見朝廷定議開修六塔河口回水入橫壠故道 十萬人之役以開故道既又捨故道而修六塔未及與 大事也中外之臣皆知不便而未有肯為國家極言 日無奇策今執政之臣用心於河事亦勞矣初欲試

沾 思自古無不患之河直欲使河不為患若得河不為患 所 任思冀為患之責使仲昌得以為辭大臣得以歸罪此 恩冀目下之患雖小然其患已形回入六塔將來之害 爭未形之害勢少難奪就使能奪其議則言者猶須獨 臣既用其議必主其人且自古未有無患之河今河浸 罕肯言也李仲昌小人利口偽言衆所共惡令執政之 大而其害未至夫以利口小人為大臣所主欲與之 以雖知不便而军敢言也令執政之臣用心太遇

致定四庫全書

卷三十五字文钞

賟 雖 於顧小人之後患則非臣之所慮也且事欲知利害權 而臣今獨敢言者臣謂大臣非有私仲昌之心也直欲 故道既不可復六塔又不可修詰其如何則又無奇策 重輕有不得已則擇其害少而患輕者為之此非明智 用功不多不得不信為奇策於是決意用之今言者為 取勝此所以雖知不便而罕肯言也衆人所不敢言 利除害爾若果知其為患愈大則豈有不回者哉至 竭人力猶當為之况聞仲昌利口詭辯謂費物少而

成而為害愈大言順水治提者常談也然無大利亦無 致定四庫全書 臣謂雖執政之臣亦未必肯為也臣前已具言河利害 大害不知為國計者欲何所擇哉若謂利害不可必但 善擇利者之所為也今言修六塔者竒策也然終不可 聚大衆與大役勞民困國以試奇策而侥倖於有成者 大害若循常之計雖無大利亦不至大害此明智之士 之所趨爾雖大禹不過此也夫所謂奇策者不大利則 之士不能也况治水本無奇策相地勢謹隄防順水性 唐宋八大家文鈔 火色の草と時 嘗留意於健防是以今河水勢浸溢今若專意併力於 恩冀之間謹治隄防則河患可樂不至大害所謂其患 開六塔以回今河者其患三而為害無涯自河決橫壠 於恩冀者其患一而遲塞商胡復故道者其患二而速 臣擇之臣謂河水未始不為患今順已決之流治健防 以來大名金堤埽歲歲增治及商胡再決而金堤益大 甚詳而未蒙採聽今復畧陳其大要惟陛下詔計議之 功獨恩冀之間自商胡決後議者貪建塞河之策未 唐宋八大家文鈔

金、为口及人司言 患而遇者也今欲塞商胡口使水歸故道治堤修埽 縣 而速者也今六塔河口雖云已有上下約然全塞大河 故道復歸高於難行不過一二年間上流必決此二患 料浩大勞人費物困弊公私此一患也幸而商胡可塞 正流為功不小又開六塔河道治二千餘里段防移 可勝計此一患也幸而可塞水人六塔而東横流散 者十數年間今河下流淤塞則上流心有決處此 兩鎮計其功費又大於塞商胡數倍其為困弊公私

横 横流而散溢自澶至海二千餘里堤埽不可卒修修之 患而反就三患此臣所不諭也至如六塔不能容大河 患也所謂為害而無涯者也今為國誤計者本欲除 凋弊河流注溢久又淤高流行梗滥則上流必決此三 壤 饒河北一 溢濱棣徳博與齊州之界咸被其害此五州者素號富 堪故道本以高於難行而商胡決今復驅而注之少 田産河北一路坐見貧虚此二患也三五年間五州 路財用所仰今引水注之不惟五州之民破

欠こりこ こう

唐宋八大家文鈔

多分四库全書 幹之臣與河北轉運使副及恩冀州官吏相度限防併 審利害速罷六塔之役差替李仲昌等不用選一二精 11 道六塔皆不可為惟治堤順水為得計及奉使往來河 上通臣既知其詳豈敢自默伏乞聖慈特諭字臣使更 雖成又不能捏水如此等事甚多士無愚智皆所共知 知六塔不便皆願且治恩冀隄防為是下情如此誰為 不待臣言而後悉也臣前未奉使契丹時已常具言故 詢於知水者其就皆然雖恩冀之人今被水患者亦 卷三十五

罪己之言宜百辟無遑安之意而應詔言事者猶少亦 右臣伏親近降手詔以水災為變上於聖憂既一人形 くこり こ ハエー 者乎臣言狂計愚惟陛下裁擇 力可回惟當順導防桿之而已不必求奇策立難必之 力修治則今河之水必不至為大患且河水天災非人 以為小人侵與恩賞之資也况功必不成後悔無及 再論水災狀 因水災議及用賢亦探本之論 唐宋 八大家文砂 主

覽臣日夜思惟方今之弊紀網之壞非一日政事之失 言臣近有實封應認竊謂水入國門大臣犇走渰浸社 皆空言也臣聞語曰應天以實不以文動民以行不以 弭 因為陛下陳一二大計而言狂計愚不足以感動聽 稷破壞都城此天地之大變也恐非小有所為可以消 言不能用敷然則上有詔而下不言下有言而上不用 未聞有所施行豈言者不足採敷將遂無人言也豈有 端水災至大天譴至深亦非一事之所致災譴 寒三十五

多好四年全書

凿 既未果為而又不思衆賢以濟庶務則天變何以塞 不皆賢也今欲救大弊弭大患如臣前所陳一二大計 日齊濟多士文王以寧書載光舜之朝一時同列者變 一稷契之徒二十餘人此特其大者爾其百工在位莫 臣所能取濟況自古天下之治必與眾賢共之也詩 而禍患所應于後者又非一言而可測是則已往 殺之弊甚衆将來而可憂之患無涯亦非獨責二三 何以修故臣復敢進用賢之說也臣材識愚暗不能 きんしこここり . 而

敌定四庫全書 子清靜寡欲生長富貴而淡於榮利識慮深遠文學優 者至其見義必為可謂仁者之勇此朝廷之臣非州 知襄州張康静熙端直外桑內剛學問通達似不能言 列侍從良多補益方今天災人事非賢罔义之時拯以 之才也祠部員外郎崇文院檢討吕公著故相夷簡之 小故棄之巡遠此議者之所惜也祠部員外郎直史館 池 知人然衆人所知者臣亦知之伏見龍圖閣直學士知 州包拯清節美行著自貧賤讓言正論聞於朝廷自 P 塞三十五 郡

厄牙八大字文金

重其身論議通明熊有時才之用所謂無施不可者凡 者乃願陛下聽其言用其才以濟時艱爾非為其人私 乞更廣詢採亟加進耀置之左右必有裨補凡臣所言 廣賢材淪沒於無聞者不少也此四臣者名迹已著伏 與泉人無異此皆為世所知者猶如此臣故知天下之 此 士羣牧判官王安石學問文章知名當世守道不茍自 長皆可過人而喜自晦黙此左右顧問之臣也太常博 四臣者難得之士也拯以小過弃之其三人者進退 喜我八大家之沙 支

災譴告丁寧無所不有董仲舒曰國家將有失道之敗 欽定四庫全書 亦非臣薦賢報國之本心也臣伏見近年變異非止水 計也若量需恩澤稍附差遣之類適足以為其人累耳 東京西皆有大水並當存部而獨河北遣使安撫兩 懼之尚不知變而傷敗乃至斯言極矣伏惟陛下切 而天乃先出災害以證告之不知自省又出怪異以警 天下不治者此亦救災弭患一端之大者臣又竊見京 大臣深圖治亂廣引賢俊與共謀議未有衆賢並進而 卷三十五十五 詔

PL BLO BAL CIANT 遣使路分非朝廷憂恤之急者無又放稅賑救皆耗運 官吏詢求疾苦事既專一必有所得與就委運司其利 雖未能大段有物販濟至於與利除害臨時措置更易 敌 **救災郵患又其一司自有常行職事亦豈能專意撫緩** 司錢物於彼不便兼又運使未必皆得人其才未必能 遂不差人或云就委轉運使此則但虚為行遣爾兩路 運司只見河北遣使便認朝廷之意有所重輕以謂不 臣以為虚作行遣爾伏乞各差一使於此兩路安撫 唐宋八大宗文鈔 + ;;

多定匹庫全書 闡 既早則來年少納上供此未漕之米誠不可不惜然少 闕供此不可不留心也竊聞三司今歲京師糧米已有 百倍也又聞兩浙大旱亦地千里國家運米仰在東南 今年災傷若不脈濟則來年不惟民饑國家之物亦自 ,年備準外猶有三百五十萬餘未漕之物今年東南 則乞量報五七十萬石物與兩浙一路令及時賑救 十三州只作借貸他時米熟不妨還官然所利甚博 以濟急時亦未有所闕欲下三司勘會若實如臣所

慈特賜裁擇 也此非弭災之術亦救災之一端也臣愚狂妄伏望聖

きこくここと

۲

唐宋八大家文鈔卷三十五				一敏定四庫全書
少卷三十五				<b>总三十五</b>
	-			1